

廿二史考異

宋史一

廿二史攷異六十七

錢大昕學

太祖紀

建隆元年正月江寧軍節度使高懷德爲義成軍節度

使江寧長編作寧江蓋夔州軍額也宋時節鎮無

江寧軍當從長編下文張光裕爲江寧軍節度使乾

德二年江寧軍節度使劉光義皆寧江之誤

高懷德劉廷讓

二傳誤與此同廷讓卽光義也

五月遣昭化軍節度使慕容延釗彰德軍節度使王全

斌會討李筠

按長編延釗時爲鎮寧軍節度使全

斌時爲彰德軍留後紀所書皆誤也延釗傳亦稱鎮寧軍節度使鎮寧澶州軍號也故傳有詔還澶州之語全斌傳稱相州留後彰德相州軍號也與長編俱合

以樞密使吳廷祚留守上都 宰輔表作東都留守地理志東都亦無上都之名獨本紀上都留守字凡三見

乾德五年正月王全斌責崇義軍節度使崔彥進責昭化軍節度使 按節度使非責授官據全斌傳二人皆責授節度觀察留後故制詞云止停旄鉞猶委藩

宜也

長編同

唐時方鎮各擅其地未奉朝命者往往自

稱留後權勢與使無異宋初除藩鎮專擅之弊留後與使品秩攸殊全斌二人由節度降授留後紀仍書節度使誤之甚矣

開寶元年八月命昭化軍節度使李繼勲等征北漢

按繼勲傳作昭義軍節度使

長編亦同

昭義者潞州軍號

澤潞與北漢接境故命爲前軍都部署紀作昭化者誤

十一月上尊號曰應天廣運大聖神武明道至德仁孝

皇帝

長編無仁孝二字又以大聖爲聖文未詳孰

是

五年正月前盧縣尉鄢陵許永年七十有五自言父瓊

年九十九兩兄皆八十餘

案長編云長兄年八十有
一次兄年七十有九非皆

八十餘也隱逸傳
與長編同紀誤

乞一官以便養因召瓊厚賜之授

永鄢陵令

此事又見隱逸傳唯彼云授鄢城令與

紀異長編亦作鄢陵蓋授本縣令以便養耳此當以

紀爲正

八年正月御長春殿謂宰相曰朕觀爲臣者比多不能

有終豈忠孝薄而無以享厚福邪宰相居正等頓首

謝

此語又見薛居正傳而彼較詳彼乃君臣交儆

之詞此則專責臣下當刪此存彼

十月改潤州鎮江軍節度爲鎮海軍節度 按唐時潤州置鎮海軍節度至是改軍額爲鎮江非本名鎮江而改爲鎮海也長編本云改鎮海軍爲鎮江軍紀誤大中祥符元年加上尊諡曰啟運立極英武睿文神德聖功至明大孝皇帝 按此十六字乃祥符五年再加之諡若元年所上則啟運立極英武聖文神德元功大孝十四字也史誤

太宗紀

太宗神功聖德文武皇帝 按宋諸帝諡皆十六字獨

太宗紀首止六字而篇末亦無增加尊諡之文此史家脫漏也攷東都事略云大中祥符元年加諡至仁應運神功聖德文武大明廣孝皇帝五年再加諡曰至仁應運神功聖德文武睿烈大明廣孝皇帝禮志亦載兩次加諡惟以再加係於天禧元年似與王偁說異然真宗紀於祥符五年亦嘗加太廟六室尊諡蓋加諡在祥符而上冊在天禧耳紀皆缺而不書

太平興國三年五月李飛雄矯制乘驛至清水縣縛都巡檢周承瑨及劉文裕馬知節等七人將劫守卒據城爲叛文裕覺其詐禽縛飛雄按之盡得其狀詔誅

飛雄及其父母妻子同產 按知節傳不及被縛事
據李氏長編引知節傳有知節先辨飛雄之詐因語
文裕云云則舊史固有之元人刊修偶遺漏耳

七月右千牛衛上將軍李煜卒 按太祖紀孟昶書薨
此紀李煜劉鋹劉繼元皆書卒昶官中書令在使相
之列故也

四年正月置簽署樞密院事以石熙載爲之 按太祖
紀樞密使除授皆書副使則不書如建隆元年八月
除趙普三年十月除李處耘乾德二年正月除王仁
贍五年二月除沈義倫開寶六年九月除楚昭輔紀

皆無之至是始立簽署之名以熙載爲之未幾真授副使自後樞副知院同知簽署除授本紀皆書之獨英宗紀不書它紀間有不書者史脫文也

五年七月討交州黎桓命蘭州團練使孫全興八作使張濬左監門衛將軍崔亮寧州刺史劉澄軍器庫副使賈湜閤門祇候王僎並爲部署全興濬亮由邕州澄湜僎由廉州按長編是時充邕州路都部署尚有鞍轡庫使陳欽祚一人張濬交趾傳作張璿長編作張守璿

六年三月交州行營破賊于白藤江口知邕州侯仁貴

討之 仁貴當作仁寶

詔斬劉澄賈湜於軍中 按交趾傳上遣使就劾澄湜
僕澄尋病死戮湜等邕州市與紀不同攷長編稱王
僕病死澄與湜並戮於邕州市則傳誤也

九月辛亥以趙普爲司徒 此普再入相除司徒兼侍
中侍中爲眞宰相故得入政府視事司徒三公之官
非宰相也紀書司徒不書侍中蓋未通於官制矣宋
初宰相官至侍中則不復稱平章事端拱元年趙普
三入相以太保兼侍中加同中書門下平章事白後
雖侍中而不加平章事祇爲使相非眞相矣

雍熙三年三月武寧軍節度使同平章事岐國公陳洪
進卒 按石守信以使相書薨陳洪進潘美亦使相
而書卒真宗紀張元德書薨石保吉魏咸信書卒均
爲使相而書法各異此義例之可議也

淳化元年三月丙子朔 此無事而書朔蓋衍文
乙未幸西京留守趙普第視疾 是歲正月戊子普罷
相以太保兼中書令充西京留守紀屢書視疾而於
罷相一節則反失之

真宗紀

至道三年五月以鎮安軍節度使李繼隆同平章事

此使相非真宰相當云加某官某人同平章事方與
真相有別

六月以工部侍郎同知樞密院事錢若水爲集賢院學
士 此罷樞密而除學士當有罷免字本紀中此類
甚多略舉一條以見拜罷書法之不分也集賢院宰
輔表作祕書院

大中祥符七年三月制加宰相王旦向敏中楚王元佐
相王元偓舒王元偁榮王元儼樞密使同平章事

按旦與敏中除平章事已久又未嘗兼樞密使諸王
例無授樞密使者此文必有譌外

長編亦無此事

八年七月王嗣宗爲大同軍節度使 宰輔表及宰輔
編年錄並作天平軍長編亦作大同

九年九月丙午陳彭年王曾張知白並參知政事 按
宰輔表祇有曾知白不及彭年表之漏也

八月丙戌以陳堯叟爲右僕射 編年錄作甲申

天禧元年四月陳堯叟卒 按太宗紀石熙載以前樞
密使官僕射書堯叟亦前樞使且加平章事官亦
至僕射而書卒於例未安

八月壬申王旦對於便殿 是歲七月丁巳旦罷政紀
當書而失書

九月癸卯以參知政事王曾爲禮部侍郎 按曾傳罷爲禮部侍郎判都省事卽其事也

己酉王旦薨 宰輔表作癸卯

乾興元年二月庚子大赦天下癸卯上尊號曰應天尊道欽明仁孝皇帝 按東都事略二月庚子朔大赦天下詔自今中外所上表咸去稱號羣臣請上尊號曰應天尊道欽明仁孝皇帝從之蓋真宗以咸平二年受崇文廣武聖明仁孝皇帝之號大中祥符元年增至十六字五年增至十八字天禧三年增至二十二字至是詔去尊號又因羣臣之請祇稱應天尊道

欽明仁孝八字爾宋史刪去詔中外上表去稱號一語而前後尊號字數多寡之故遂難通矣

仁宗紀

乾興元年十一月錢惟演罷 此紀宰執去位皆書罷而不書所授之官以宰輔表已有之也它卷或詳或略或不書罷免字蓋史局多人彼此不相檢照自昔然矣

天聖元年閏月馮拯卒 前宰相以禮始終者例書薨此紀馮拯王欽若王隨三人獨書卒狄青王德用皆前執政官使相例當書薨而亦書卒

康定元年八月戊申夏守贊罷 宰輔表失書

慶歷四年七月封宗室十人爲郡王國公 按燕王德

昭傳亦云慶歷四年詔封十王之後然十人之名紀

傳俱未詳列文獻通考引國朝會要云慶歷四年制

封宗室乃以皇叔德文爲東平郡王秦王廷美子 皇兄允

讓爲汝南郡王陳王元份子 皇弟允良爲華原郡王周王元儼

子 皇姪從藹爲潁國公魏王德昭孫 從煦爲安國公岐王德芳

孫 宗說爲祁國公楚王元佐孫 昭成太子孫宗保爲建安

郡王昭成太子名元僊 華王孫宗達爲恩平郡王華王元僊

邢王孫宗望爲清源郡公邢王元僊 則止有九人又

魏王廷美傳稱慶歷中宗室王者四人據會要却有

五人皆不相合惟王伯厚玉海云制封德文東平郡

王濮王汝南

卽允讓

允弼北海允良華原郡王從諱頴

國公

八月壬辰改命守巽

從煦安國公宗說祁國公宗保建安

郡公宗達恩平郡公宗望清源郡公其敘四王六公

之名最爲分曉會要蓋脫允弼一人又宗保宗達本

郡公而誤爲郡王耳允弼蓋鎮王元偓之子十人者

太祖子二房太宗子七房秦王廷美子一房也

長編與玉

海正同

神宗紀

治平四年三月壬申歐陽脩知亳州癸酉吳奎參知政事罷罷字衍富移於歐陽脩之下

熙寧二年四月唐介薨按執政例書卒而介獨書薨

歐陽脩以前執政亦書薨

熙寧五年

陳升之以前宰相而

反書卒

元豐二年

歐陽脩張昇皆前兩府致仕修官太子

少師昇官太子太師脩書薨而昇書卒皆義例之未

當者也呂誨以右諫議大夫書卒

熙寧四年

誨非兩府非

使相其卒不當書于本紀高宗紀尹焞楊時書卒寧

宗紀朱熹書卒或以尊崇道學特變其例然周敦頤

二程又未嘗書卒也

八年八月韓絳罷 神宗紀中宰執罷政外除皆書知某州或云判某州獨是年絳知許州元豐七年王安禮知江寧府則略而不書

元豐三年九月丙戌薛向罷知潁州 宰輔表失書

四年正月龍圖閣直學士韓縝同知樞密院事 按宰

輔表及編年錄同日除知樞密院尚有呂公著一人

哲宗紀

元祐六年十一月壬辰尚書右丞蘇轍罷知絳州 按

宰輔表是年二月蘇轍自龍圖閣學士御史中丞除尚書右丞明年六月自守尚書右丞除門下侍郎中

間無罷政一節

紹聖元年五月乙丑鄧潤甫卒 哲宗朝執政趙瞻孫
固傅堯俞紀皆書薨獨潤甫書卒徽宗紀溫益朱諤
張康國鄧洵武皆執政而書卒趙挺之劉正夫何執
中皆前宰相而亦書卒南渡以後執政本紀多書薨
間有書卒者不過十之一耳惟宰輔表於執政皆書
卒

元符二年八月戊寅皇太子薨 按皇太子當作皇子
茂茂生三月而夭未有封號既歿乃追封越王下文
書十月己未越王茂薨卽其人也徽宗紀崇寧元年

十二月贈哲宗子鄧王茂爲皇太子則哲宗紀中安得預書皇太子乎此紀稱越王而徽宗紀作鄧王當有一誤

十月甲寅日有食之旣按日食必在朔紀先書十月壬子而後及甲寅其非朔日審矣天文志亦不載此食必史臣之誤也攷遼史朔攷是歲十月實己亥朔甲寅爲月之十六日而天文志月食篇中却有十月甲寅月食旣一事乃知史臣誤以月食爲日食耳本紀之例書日食不書月食

徽宗紀

元符三年十月升端州爲興慶軍 端州本軍事州徽
宗自端王入繼大統乃升爲節鎮以興慶爲軍額非
改州爲軍也當云升端州爲興慶軍節度

政和三年十一月升端州爲興慶府 按重和元年十
月又書改興慶軍爲肇慶府似政和三年已有府名
後乃改稱肇慶也及攷地理志元符三年升興慶軍
節度重和元年賜肇慶府名初無政和三年升府之
事予嘗游七星巖洞中得石刻云政和丁酉暮春程
江古革初自新昌移守興慶是年仲夏眞陽馮齊荀
起於祥除來貳府政相與咨詢有請於朝次年春乃

被旨陞作大藩其云陞作大藩者謂升州爲府也據
石刻始知改府之議乃由端州守臣所請在政和七
年丁酉之夏至次年春乃得俞旨卽重和元年也其
賜名肇慶當在次年冬故紀繫於十月然則政和七
年以前端州尙未稱府明矣

七年三月升鼎州爲常德軍四月升温州爲應德軍五
月升慶州爲慶陽軍渭州爲平涼軍 此四州皆以
潛藩升爲節度州賜軍額當增節度二字地理志温
州爲應道軍此云應德似誤

宣和元年十二月升瀘州爲瀘川睦州爲建德岳州爲

岳陽寧州爲興寧宜州爲慶遠光州爲光山均州爲
武當軍 此七軍皆節度軍額也當增節度二字
欽宗紀

靖康元年正月己巳尚書左丞宇文粹中 按粹中以
宣和六年除右丞初未轉左其時左丞則趙野也此
左字當作右

二月辛亥宇文粹中罷知江寧府 宰輔表失書
高宗紀

建炎三年三月戊子盧益爲尚書左丞壬寅盧益罷
按是月辛巳以盧益爲尚書右丞未拜復罷爲資政

殿學士距戊子纔八日一月之中再除而再罷似非
情理宰輔表祇書辛巳之除而無戊子再除一節紀
殆重出也攷編年錄戊子召王孝迪爲中書侍郎與
資政殿學士尚書左丞盧益並奉使金國益辭行遂
以本職提舉崇福宮益執政凡八日然則益乃以戊
子日罷辛巳至戊子恰八日也孝迪與益俱被命使
金而益之除左丞乃在其前紀所書俱未足信

七月己丑以資政殿大學士王綯參知政事兵部尚書
周望同簽書樞密院事 宰輔表作壬寅

四年二月乙亥詔復以盧益爲資政殿學士李回端明

殿學士並權知三省樞密院事八月癸未盧益罷
宰輔表失書益拜罷事

十月丁亥以李回同知樞密院事 丁亥表作己丑

紹興元年五月丙辰朔 當是丙申朔

十月乙丑李回罷 表作九月癸丑

十一月庚戌富直柔罷 表作戊戌

三年五月丁卯以韓肖胄等充金國軍前通問使 是

日除肖胄同簽書樞密院事本紀失書

四年正月己卯韓肖胄罷 己卯表作癸酉

五月甲子以孟庾兼權樞密院事 表失書

八月庚辰以趙鼎知樞密院事 表失書

十一月戊午以胡松年兼權參知政事 表失書

五年閏月乙卯以孟庾沈與求並兼權樞密院事 表

失書

五月己丑以孟庾知樞密院事 表作四月乙丑

七月己卯以沈與求兼權樞密院事 表失書

六年二月以兵部尚書都督府參謀折彥質簽書樞密院事 表在三月又是月沈與求罷以彥質權參知政事表亦失書

五月戊戌朔 當是戊辰朔

九年四月丙寅以孫近兼權同知樞密院事 表失書

十二月甲子李光罷 甲子表作辛酉

十年四月壬申韓肖胄罷 表及編年錄並在二月

十一年四月辛巳以王次翁兼權同知樞密院事 表

失書

十四年六月內侍白鄂坐誹謗及其客張伯綸俱黥配
吉陽軍 按秦檜傳右武大夫白鏐有變理乖謬語
刺配萬安軍太學生張伯麟嘗題壁曰夫差爾忘越
王殺爾父乎杖脊刺配吉陽軍鄂與鏐綸與麟音之
謫也紀云俱黥配吉陽軍據傳則鏐配萬安軍與吉

陽軍非一地

二十年五月甲午金就遣完顏思恭等來賀天申節
金史交聘表是年遣完顏思恭翟永固爲報諭宋國
使完顏元宜高懷貞爲賀宋生日使非卽遣思恭也
二十一年二月癸亥以余堯弼兼簽書樞密院事表
失書

十二月金遣兀朮魯定方等來賀明年正旦 金史交
聘表作孛朮魯阿海字之爲兀聲之譌也定方卽阿
海一人而二名猶宗弼宗翰之類餘放此

二十二年十二月金遣張利用等來賀明年正旦 按

金史是年以張用直爲賀宋正旦使用直卒改遣左
瀛與紀所載姓名異

二十六年八月辛卯程克俊罷 表失書

二十九年六月丙申陳誠之罷 表作丁酉

己亥以陳康伯兼權樞密院事 表失書

三十年四月丙辰賀允中兼權同知樞密院事 表失

書

孝宗紀

紹興三十二年甲戌御筆賜字元永乙亥丙降御札皇
太子可卽皇帝位 按甲戌六月九日乙亥六月十

日也史失書六月

高宗紀六月丙寅朔禮志六月十日降札

七月壬寅以黃祖舜兼權參知政事表失書

十月以岳陽軍節度使居廣開府儀同三司按居廣

爲益王頴之曾孫乾道四年封永陽郡王九年加少

保淳熙八年薨追封永王當附見於頴傳又孝宗時

有保康軍節度使天水郡公居中嘗權主奉益王祭

祀

見周益公集

亦當附頴傳史皆失之

史浩兼權知樞密院事十一月史浩免權知樞密院事

表皆失書

隆興元年六月戊辰詔虞允文

此下似有脫文或云

詔當作召

二年十月丁卯賀允中罷爲資政殿大學士致仕 表
失書

已巳以周葵兼權知樞密院事王之望兼同知樞密院
事 表失書

乾道元年六月癸未王剛中薨 表失書

九月甲戌以洪适兼同知樞密院事 表失書

五年二月壬寅以給事中梁克家簽書樞密院事甲辰
以王炎參知政事兼同知樞密院事 宰輔表俱在
甲寅編年錄俱在甲辰

七年七月庚子以王炎爲樞密使四川宣撫使 表失
書此事然於九年書王炎罷樞密使則是本有而刊
本脫之也

淳熙元年十月丙寅鄭聞夢 表失書

二年六月庚戌朔以沈夏同知樞密院事 表在五月
而闕其日

九月丁未沈夏罷 編年錄及表並作閏九月按是年
閏九月已酉朔無丁未日當從紀

四年六月己卯以王淮參知政事 表作五月而闕其
日

五年三月己未以王淮知樞密院事趙雄參知政事

三月表作六月

七年十二月以新除成都府路提點刑獄祿

此字東之疑譌

權四川制置司應

監本此下脫一策誤以第卅三

卷之第十一策攙入

九年七月壬辰以資政殿學士李彥穎參知政事彥

穎以十年正月甲申罷宰輔表俱失書編年錄則云

是月壬辰彥穎罷參知政事依舊資政殿學士提舉

洞霄官十年正月右諫議大夫張大經論彥穎不能

治家體國詔特降爲中大夫與此紀異而又闕其復

拜參政之歲月未審孰是

九月庚午以王淮爲左丞相梁克家爲右丞相 表失書

十年正月丁丑以給事中施師點簽書樞密院事 表在去年十二月以歷推之丁丑乃正月十一日表誤十五年二月金遣使蔡克忠等來弔祭 金史交聘表作蒲察克忠蒲察女直氏也當從表

光宗紀

紹熙二年二月遣宋之瑞等使金弔祭 金史交聘表作宋之端

金遣完顏亶等來告哀 按金熙宗名亶不應使者與同名金史交聘表作箇字

四年六月戊申胡晉臣薨 表失書

寧宗紀

嘉泰二年 是年七月己巳程松以父憂去位則表有而紀失之

嘉定元年六月甲申林大中薨八月辛未邱密卒 密與大中皆見任執政而一書薨一書卒又同在一年之內何不檢照乃爾

十二月升嘉興府爲嘉興軍 當云嘉興軍節度脫節

度二字

淮西揀刺二萬六千餘人以爲御前定武軍 定武當
作武定

七年三月丁卯以安丙同知樞密院事成都府路安撫
使 表失書八月戊申改觀文殿學士知潭州表亦
失之

理宗紀

太祖十世孫 按孝宗理宗並以宗子入繼大統孝宗
紀歷叙世系所出而理宗止及其父於史例殊未盡
一當云太祖子燕王德昭生冀王惟吉惟吉生廬江

侯守度守度生嘉國公世括世括生房國公令稼令稼生子爽子爽生伯盱伯盱生師意師意生希璠

紹定四年七月庚戌葛洪資政殿學士知紹興府表失書

端平元年六月詔故端明殿學士開府儀同三司史彌遠贈資政殿大學士諡忠宣此別是一人非彌遠也當是刊本之譌

二年五月庚戌以喬行簡兼參知政事表失書

十一月乙丑鄭性之兼權參知政事表失書

十二月甲辰曾從龍張余嶠同簽書樞密院事表皆

失書

嘉熙元年正月辛酉以李塋同知樞密院事四川宣撫使紀於四月壬午朔又書以李塋同知樞密院事四川宣撫使知成都府蓋一事而重出然表皆不書
二月癸未朔李鳴復罷以資政殿學士知紹興府表與本傳皆不書

六月癸巳以鄒應龍爲資政殿學士知慶元府沿海制置使表失書

二年四月癸未以李塋同簽書樞密院事督視江淮京湖軍馬表不書

五月丙戌詔崔與之提舉洞霄宮任便居住 按宰輔
表三年六月庚子崔與之力辭相位特授觀文殿大
學士致仕與之傳亦云嘉熙三年以觀文殿大學士
提舉洞霄宮此紀書於二年五月恐誤

李鳴復復參知政事 表失書

淳祐四年正月壬寅朔以李鳴復參知政事杜範同知
樞密院事 據宰輔表是月丁巳鳴復罷知福州範
罷知婺州紀書除而不書罷亦脫漏也

八年六月戊戌以徐鹿卿爲樞密使兼參知政事兼侍
講 按鹿卿傳無除執政之事宰輔表亦不載此必

傳寫之譌

寶祐二年十月追削余玠資政殿學士奪其子晦刑部侍郎告身按寶祐元年余玠卒以余晦權刑部侍郎四川安撫制置使知重慶府代之晦乃天錫之從子非玠子也且玠籍蘄州晦籍明州本非一族史殆誤矣

三年六月王埜以御史胡大昌言罷給事中依舊端明殿學士提舉洞霄宮按宰輔表是月王埜自禮部尚書除端明殿學士簽書樞密院事尋罷王埜傳亦云拜簽書樞密院事與宰相不合言者攻之以前職

主管洞霄宮紀云罷給事中又不書除簽樞蓋失之矣

四年正月詔史嵩之觀文殿大學士依前金紫光祿大夫永國公致仕 已見淳祐六年此重出
十二月乙丑以張礪兼參知政事 表失書

五年六月丁酉馬天驥以臺臣言罷詔依舊端明殿學士提舉臨安府洞霄宮 表失書

景定二年十月皇太子擇配帝詔其母族全昭孫之女擇日入見寶祐中昭孫没于王事全氏見上上曰爾父亦可念對曰臣妾父固可念淮湖百姓尤可念上

曰卽此語可母天下迨開慶丁大全用事以京尹顧
鼎女爲議大全敗故有是命 此事已見后妃傳以
史例言之當載本傳不應入紀也

三年五月辛未馬光祖以病請祠詔知福州兼福建安
撫使 表失書

四年九月甲午楊棟同知樞密院事兼權參知政事葉
夢鼎簽書樞密院事 表作三月庚子

五年四月乙丑何夢然馬天驥以臺臣劾罷 夢然見
任執政其罷當載於表而表失書

七月丙申臺臣言太子賓客楊棟指彗爲祟尤旗欺天

罔君詔棟罷職予祠 棟亦見任執政其罷表亦失
書

度宗紀

咸淳二年 是歲四月壬午姚希得罷五月甲寅王爚
除參知政事留夢炎同升樞密院事包恢簽書樞密
院事三年正月壬辰王爚知樞密院事兼參知政事
留夢炎葉夢鼎並參知政事常挺簽書樞密院事三
月壬辰程元鳳除少傅右丞相兼樞密使丁未程元
鳳罷六月己卯王爚罷八月辛未葉夢鼎除右丞相
兼樞密使留夢炎除樞密使常挺同知樞密院事兼

權參知政事十一月庚戌常挺除參知政事馬廷鸞
同知樞密院事四年正月乙巳留夢炎罷四月庚寅
馬廷鸞兼權參知政事十二月丙戌包恢罷六年正
月丙寅陳宗禮除簽書樞密院事趙順孫同簽書樞
密院事紀皆失書蓋本紀自寧宗以後錄簡無法而
度宗瀛國公兩紀尤爲冗雜若咸淳四年右正言黃
鑄言今守邊急務非兵農合一不可一日屯田二日
民兵川蜀屯田爲先民兵次之淮襄民兵爲先屯田
次之此足食足兵良策也不報此當入兵志德祐元
年六月王應麟言開慶之禍始於丁大全請凡大全

之黨在謫籍者皆勿宥從之又應麟繳還章鑑曾淵子錄黃言韓震爲逆二人實芘之且淵子芘翁應龍致有逸罰又嘗竊府庫金以遁命削鑑一官放歸田里淵子再削一官徙吉州誅翁應龍籍其家應麟復繳還曾淵子貶吉州錄黃遂貶韶州八月趙淇除大理少卿王應麟封還錄黃言昔內外以寶玉獻似道淇兄弟爲甚十月應麟與常楙請立濟王後此數事當入應麟傳七月王爚子熈京學生劉九臯等伏闕上書言陳宜中擅權黨似道芘趙潛潛說友使門客子弟交通關節其誤國將甚於似道此事已入陳宜

中傳唯不載九臯名耳

三年六月壬戌加授呂文德少傅馬光祖參知政事李
庭芝兵部尚書並職任仍舊按景定建康志六月
六日三省同奉御筆馬光祖除參知政事尋具辭免
再奉御筆馬光祖可依前觀文殿學士仍舊任是光
祖參政之命雖下而旋即辭免如紀所書似光祖以
參知銜仍舊任宰輔表但書除參知政事不言仍舊
任又似光祖去建康而入參大政皆失其實建康志
乃光祖幕僚所誤必不誤也

壽國公紀

德祐元年六月己未以李庭芝知樞密院事兼參知政事 表失書

八月壬寅加夏貴樞密副使 表失書

十月癸亥陳合坐匿廖瑩中家資奪執政恩數 合見任執政其罷免當見於表而表失之

宋史一終

宋史二

世一史攷異六十八

錢大昕學

天文志三

晉志以織女漸臺輦道皆屬太微垣以河鼓左旗右旗
天桴屬天市垣 按晉書天文志天文經星分爲三
段一爲中官一爲二十八舍一爲星官在二十八宿
之外者古人謂之外官其中官之星以北極紫官爲首而北
斗次之文昌諸星直斗魁前者也太微諸星與斗衡
相直者也自攝提大角以至貫索天紀織女漸臺輦
道皆在斗杓下者也故次於北斗自平道以至少微

長垣俱在二十八宿之上故亦屬之中官其序則自東而北而西而南焉隋志星名較多於晉志其分目次第則一與晉志同蓋古無以太微天市配紫宮爲三垣者史記天官書祇有中官而太微屬南官天市屬東官晉隋兩志則分中外官與二十八舍爲三列而太微天市亦雜敘於中官之內晉隋志皆出李淳風之手無云三垣者則三垣之名在淳風以後矣上元太微下元天市始見於步天歌歌不著撰人名氏相傳以爲唐王希明自號丹元子者所撰鄭漁仲獨非之以爲丹元子隋之隱者然唐初尚無三垣之說

則非隋人所撰審矣後世以中官之星分屬三垣又以二十八宿內外諸星按其經度分屬各宿皆始于步天歌晉隋以前所未有也修宋史者不加詳攷輒云晉志某星屬太微垣某星屬天市垣誣甚矣卽如扶筐織女漸臺輦道北方之星也豈得越紫宮而南屬於太微乎大陵積尸天船積水天大將軍軒轅酒旗西方南方之星也豈得越紫宮而東屬於天市乎天文志五

七曜 七曜一篇皆襲用前史之文於宋事無涉

今紹興歷法歲星每年行一百四十五分是五年

當作
每年

攷異

宋史二

二

行一次之外有餘一分積一百四十四年剩一次矣
按歲星百四十四年而超一次此漢三統術也志
以爲紹興術誤

日食 按日食本紀失書者開寶元年十二月己酉朔
乾興元年七月甲子朔寶元元年正月戊戌朔慶歷
二年六月癸酉朔嘉定十一年七月庚午朔其它以
陰雲不見而不書者不勝紀也

乾興元年七月甲子朔日食幾盡 據遼史朔放是年
七月實戊辰朔此云甲子疑誤

建炎三年二月壬午月食于軫 按是歲二月庚戌朔

其月無壬午日

五行志四

乘雞登寶位

乘一作抱登一作昇

子建司南位

司一作居位一作極

東隣家道闕隨虎過明興

一作東隣嬌小女騎虎踏

河冰

凡云一作者皆景定建康志引江少虞類苑之文

煜丁酉年襲位

當作辛酉

律歷志一

惟奉元會天二法不存

按奉元術淮南人衛朴所造

知制誥沈括提舉熙寧八年閏四月奏上詔進括一

官賜朴錢百千朴言崇天氣後天明天朔先天更以
已學爲之視明天朔減二刻玉海載紹興九年詔陳
得一裴伯壽補修奉元歷以史官修神宗正史歷志
奉元歷缺故也則南渡初奉元術已亡紹興雖詔補
修訖未成書故洪邁等修四朝史仍不著其法也奉
元術雖失傳其改造本末亦應見于志而史家略不
及之此掛漏之大者又按此志惟總序一篇乃元史
臣之筆自一卷至三卷本之三朝史四卷至九卷本
之兩朝史十卷至十三卷本之四朝史十四卷以後
本之中興史四史體裁本末盡一史臣彙爲一志初

未鎔范故首尾絕不相應如律歷二端宜各以類從
若以宋初和峴論律呂仁宗時著樂髓新經及阮逸
胡瑗房庶范鎮諸人之論律南渡後胡銓之審律論
蔡元定之律呂新書李如篪之樂書程迥之三器圖
議併爲一篇豈不首尾完善而乃沿襲舊文錯雜於
歷議之中大可笑也又如渾儀之式俱載天文志獨
皇祐製儀乃在律歷篇中亦爲不倫

乾元元率九百四十 元率卽日法也以歲周軌率參
校當是二千九百九十史有脫文

應天歲盈二十六萬九千三百六十五 李銳曰此條

甚誤以意求之當作歲總七十三萬六百三十五其

歲盈則一萬四百九十一也置氣策小餘二千一百

八十五秒一十五

刊本作二十四誤

以二十四乘內秒得五

萬二千四百五十五

大斯案此卽一歲氣盈分數以元法求之得五日四分日之一

弱也術家欲省算故以五約之其求天正以五除之冬至大小餘皆半而進位仍以五乘之也

卽歲盈之數以三百六十乘元法而五除之加入歲

盈卽歲總之數也

氣策十五小餘二千一百八十五秒二十四 按應天

術以二十四爲秒法滿二十四則小餘當進一而無

秒數矣此二十四必後人妄改今從李生校改作一

十五

候策五小餘七百二十八秒二。此秒數亦誤置歲餘五萬二千四百五十五以七十二候除之得七百二十八不盡三十九以秒法通之得九百三十六以七十二除之當爲秒十三也。

求六十四卦。此卽六日七分之法以坎離震兌分主四時其直日用事者惟公辟諸侯卿大夫凡六十卦耳。此云六十四卦蓋後人妄增四字。

律歷志三

屯田員外郎呂奉天上言按經史周秦以前多無甲子

攷異

宋史二

五

太史公司馬遷雖言歲次詳求朔閏則與經傳多不符合乃言周武王元年歲在乙酉按史記年表本無甲子裴駟采徐廣注附入後人誤似爲正文耳其云周武王元年歲在乙酉則史記無此文

王起撰五位圖言周桓王十年歲在甲子按漢人據諸緯書謂獲麟之歲歲在庚申依此上推魯莊公恒星不見之歲不直甲子

又言孔子生於周靈王庚戌之歲卒於周悼王四十一年壬戌之歲皆非是也悼王當作敬王古法太歲百四十四年而超一辰與漢以後人所說異若依後

人追命之則孔子生於庚戌卒於壬戌初無誤也

乃知唐堯卽位之年歲在丙子迄太平興國元年亦在丙子凡三千三百一年矣 按汲冢紀年稱唐堯元年歲在丙子隋袁充亦云唐堯丙辰生丙子年受命呂氏之說蓋本於此今人以甲辰爲堯元載出於邵氏皇極經世書邵又本於皇甫謐帝王世紀劉恕通鑑外紀又以戊辰爲堯元年要之皆無的據學者存而不論可也

自堯卽位年距春秋魯隱公元年凡一千六百七年

按自堯丙子依此歲數推之則隱公元年在癸亥矣

漢以後儒皆言隱公元年歲在己未呂說未可信

呂奉

天說較今人所推少三十二年

律歷志七

以等數約之得三萬九千爲元法九千五百爲斗分二萬六百九十三爲朔餘六百二十四萬爲日度母二十二億七千七百二十萬四百四十七爲周天分八萬四百四十七爲歲差 此注與前後文重複可刪

新歷斗分九千五百以萬平之得二千四百二十五半盈得中平之數也 置斗分九千五百以萬通之如日法

三萬九千

而一得

二千四百三十五又百分之八十

九強故云半盈也二十五當作三十五

天正冬至大餘五十七小餘一萬七千 推得治平元年天正冬至辛酉日實嘉祐八年十一月二十四日六十四卦 當作六十卦

竟六日三千四百八十六秒 蓋三萬九千分之三千四百八又十八分秒之六也十字衍

律歷志八

唐徐昇作宣明歷悟日食有氣刻差數 徐昇蓋徐昂之謫然昂所撰術名觀象非宣明也唐志宣明術不著撰人姓名

自元嘉歷後所立日法以四十九分之二十六爲強率以十七分之九爲弱率併強弱之數爲日法朔餘此語已見前卷

思恭又嘗推劉義之爲知歷焉 義之當作義叟

律歷志十

元祐觀天歷 按元祐之觀天崇寧之紀元志皆不敘改造原委攷玉海元祐二年九月以奉元歷疏命保章正黃居卿等六人考定初衛朴歷冬至後天一日元祐五年十一月癸未冬至驗景長之日廼在壬午遂造新歷六年十一月八日賜名觀天工侍王欽臣

爲序紹聖元年頒行徽宗時有司以觀天推崇寧二年十一月朔爲丙子頒歷之後始悟其朔當進而失進遂造占天歷改十一月朔爲丁丑而再頒歷焉旣而歷官言占天成於私家不經考驗不可施用乃命姚舜輔等復造新歷視崇天減六十七刻半始與天道相合崇寧五年五月十六日歷成賜名紀元御製序則觀天紀元二術改造本末非無可考也

律歷志十二

崇寧紀元歷演紀上元上章執徐之歲 玉海云紀元

歷取徽宗受命年登極日元用庚辰日起己卯失古

歷之法

律歷志十四

宋歷在東都凡八改曰應天乾元儀天崇天明天奉元
觀天紀元星翁離散紀元歷亡 此卷全是中興國
史之文追敘東都改術以爲緣起今旣合爲一篇當
云南渡星翁離散紀元術亡何必更數八改之名乎
律歷志十五

無非推求上元開闢爲演紀之首氣朔同元而七政會
于初度從此推步以爲歷本未嘗敢輒爲截法而立
加減數於其間也 按推步家先據近測乃求歷元

以爲布算之始然每易一術必更一元演紀之數積至億萬大率荒邈無稽楊忠輔立截法近取紹熙田寅歲以爲上加下減之端又追溯三千八百三十年前以爲上元則載籍所紀盡於此矣郭守敬授時術不立積年實祖述其意而當時鮑澣之反用是爲訾議此如祖沖之立歲差破章法爲後世所宗而見非於戴法興大音不入里耳自昔然矣

賜名會天寶祐元年行之史闕其法按尤煇撰會天術序云積年一千一百餘萬日法五百五十八

浙西安撫司準備差遣臧元震言歷法以章法爲重章

法以章歲爲重 按十九年七閏爲一章乃秦漢以前
前巖率蓋古術皆用四分章蔀紀元皆四分之積也
劉洪始改四分減歲實以合天行而章閏猶沿舊法
祖沖之始改章法三百九十一年有百四十四閏與
舊法相課則七千四百二十九歲之中舊法當有二
千七百卅七閏新法只有二千七百卅六閏此戴法
興所詆以爲七千四百二十九年輒失一閏者也中
朔與閏相爲表裏歲實旣減于四分則七閏一章自
不可爲定率法興未達天行故有此難嗣後張賓張
胄元劉焯之徒所立章歲章閏雖各不同要皆本沖

之之法而稍增減之李淳風造麟德術始并氣朔閏
餘通爲一術但以歲實與十二朔實相校所多之數
卽爲一歲之閏積而不更求章歲之率此後推步家
無有言章歲者蓋十九年七閏止是約率積之又久
必有不得七閏者但使晷景不差卽爲密合天行雖
六閏何妨乎元震所陳僅捫拾經生膚淺之談皆祖
沖之李淳風輩唾棄弗道者而疇人子弟已不能置
對元震又稱一大一小爲平朔兩大兩小爲經朔三
大三小爲定朔不知經朔卽平朔也平朔一大一小
間有兩大而無兩小者三大兩小皆爲定朔旣用定

朔則十九年七閏之恆率自不能拘而有司亦不知也當時局官淺陋如此欲其改憲以合天難矣會天術今已失傳姑以開禧言之歲閏一十八萬三千八百四積十九年得三百四十九萬二千二百七十六以朔率四十九萬九千六十七除之止有六個月又四十九萬七千八百七十四分不盈一朔策之數又以成天言之歲閏八萬六百九十七積十九年得一百五十三萬三千二百四十三以朔實二十一萬九千一百一十七除之亦止六個月又二十一萬八千五百四十二分仍不盈一朔策之數然則當時雖因

元震之言而改術終不能復七閏一章之舊率而元震亦不能詰迂儒強作解事大率若此

律歷志十六

以旬周去之不盡總法約之爲大餘 按統元術以元法爲日法總法卽元法也

律歷志十七

歲分四百三十八萬二千九百一十餘六萬二千九百

一十 以萬萬通歲餘滿策法

一萬二千

而一得五日二

十四分二十五秒與授時所定歲實正同乃知郭守敬暗寫統天法但諱而不言耳

氣策十五餘二千六百二十一少二十一分秒八十四
置氣餘分進二位滿策法而一得二十一分不盡
復進二位滿策法而一得八十四秒有奇也當云約
分二十一秒八十四則與周天約分同例矣

朔策二十九餘六千三百六十八五十三分秒六 置
朔餘分進二位滿策法而一得五十三又百分之六
有奇當云約分五十三秒六也按周琮言古人以一
百萬平朔餘之分得五十三萬六百以下五百七十
以上是爲中平之率今攷李淳風一行以後朔餘未
有過百萬分之五十三萬六百者獨統天朔餘得五

十三萬六百六十六奇較之授時亦多七十三數雖有百五乘距差退位減積之法以消息之然歲實弱而朔實太強行之未久而日食不驗置閏漸差職是故也

氣差二十三萬七千八百一十一按氣差者上元冬至後距甲子之日數也統天之術起上元甲子至紹熙甲寅中距三千八百三十年以歲分乘之得一百六十七億八千六百五十四萬五千三百爲歲積分減氣差得氣汎積一百六十七億八千六百三十萬七千四百八十九共年無躔差卽以汎積爲定積滿

策法而一得積日一百三十九萬八千八百五十八

大餘十八小餘一萬一千四百八十九

以萬二千通大餘并小餘

得廿二萬七千四百八十九即氣積差

是爲紹熙甲寅天正冬至大小

餘實壬午日亥正四刻也乃置上元以來歲積分減

氣積差得一百六十七億八千六百三十一萬七千

八百一十一又以斗分差乘距算萬分約之得四十

八爲躔差再以躔差乘距算得一十八萬三千八百

四十加入歲積分得一百六十七億八千六百五十

萬一千六百五十一滿策法而一得積日一百三十

九萬八千八百七十四大餘三十五小餘一千六百

五十一轉減紀法得大餘二十四小餘一萬三百四十九然則上元天正冬至乃是戊子日戌正三刻弱也凡步氣朔當以甲子日爲起算之端今上元冬至不值甲子依授時術當加氣應二十四日有奇乃得從甲子起算今減去氣差是以上元冬至後甲子日起算也冬至日距甲子廿四日一〇三四九并氣差十九日九八一一僅得四十四日八一六〇以較六十甲子尚欠十五日三八四〇

卽躔差乘距算所得之數何以便

得甲子曰統天雖置上元實近取紹熙甲寅爲元上攷下求俱以甲寅距算爲斷若於是年又加躔差布

算既繇益滋昧者之惑故但減十九日有奇而六十之數已周其所欠之數卽此三千八百三十年中應加歲餘之數自相除補而隱而不言梅氏春秋以來冬至攷亦不言減氣差之由予積疑有年頃乃求而得之故詳述其說冀同志者審定焉

以積算與距算相減餘爲距差以斗分差乘之萬約爲躔差復以距差乘之以減氣汎積餘爲氣定積如其年無躔差及以距差乘躔差不滿秒半以上者以汎爲定 梅文鼎曰此卽授時歷加減歲餘法也積算減距算爲距差者距紹熙甲寅爲算也斗分差乘距

差爲躔差者百年加減一分也授時每百年加減一分統天則一分零六秒弱復以距差乘躔差者百年加減一分奇而又以其距年乘之也減汎積爲定者授時不立元以當時所測截算爲主故有上攷下求之別而加減亦明統天雖以當時所測截算爲主而又立元故只用減所求在距算以後減之則冬至差而早早則其歲實減矣所求在距算以前減之則冬至益早早則其歲實加矣減之而歲實減人知之減之而歲實加人不知之此算家轉換之法也若距差乘躔差不滿秒半以上者是所求正在紹熙前後百

年內其歲實平故無加減而以汎爲定

如求徑徑以躔差加減歲餘距差乘之紀實去之餘以

加減氣積差二十萬

當作二十二萬

七千四百八十九如策

法而一餘同上法其加減躔差積算少如距算者加

之多如距算者減之其加減氣積差卽反用之 案

氣積差者紹熙甲寅天正冬至前距甲子之日分卽

授時之氣應也積算少於距算者以躔差加歲餘距

差乘之紀實去之餘減氣積差又轉減紀實所得如

策法而一以命大小餘卽授時上攷之法減氣應爲

通積分也積算多如距算者以躔差減歲餘距差乘

之紀實去之餘以加氣積差如策法而一以命大小
餘卽授時下求之法加氣應爲通積分也有此捷法
可省以歲分乘積算之雖而仍設本法者爲求天正
經朔地也授時不立積年設諸應數以爲上攷下求
之根其法全出於此

周天度三百六十五餘一千九百一十秒六十一 按
統天術周天分四百三十八萬三千九十滿策法去
之餘數三千九十無秒數約之爲二十五分七十五
秒此云餘一千九百一十秒六十一者乃成天術之
度餘非統天之度餘也此十有一字當刪

赤道過宮 此條脫已宮一行李銳日周天分十二宮
每宮應三十度四十三分八十一秒弱以算補之當
云

張十五度 九分 秒八

入楚分鶉尾之次
在己用甲丙庚壬

宋史三

廿二史攷異六十九

錢大昕學

地理志

乾德三年平蜀得州府四十八 以注攷之實四十六

州五代史職方攷亦云四十六州

武英殿板本是六字

至道三年分天下爲十五路 長編云國初罷節鎮統

支郡以轉運使領諸路事其分合未有定制京西或爲兩路河北旣分南路又分東西路陝西分爲陝西河北河南兩路又爲陝府西北路淮南分爲兩路江南分爲東西路荆湖兩路或通置一使兩浙或爲東

北路其西南路實兼福建劔南初曰西川後分峽路
西川又分東西路尋并之是歲始定爲十五路一京
東二京西三河北四河東五陝西六淮南七江南八
荆湖南九荆湖北十兩浙十一福建十二西川十三
峽路十四廣南東十五廣南西也

天聖析爲十八 按十八路之名史無明文以志傳參

攷蓋分江南爲東西兩路川峽兩路爲益

卽成都

梓利

夔四路也夔路卽峽路是時移轉運司於夔州而以
峽州屬荆湖北路自後遂無峽路之名矣川峽四路
之分在眞宗咸平四年見通鑑長編

青州鎮海軍節度建隆三年以北海縣爲軍淳化五年改軍名按青州自唐以來爲平盧軍節度治所淳化五年改平盧軍曰鎮海志不云本平盧軍者略也建隆置北海軍已見濰州毋庸重出且宋時稱軍者有二等一爲節度軍號以寵大州一爲小郡之稱大約由縣升軍由軍升州如北海軍後升濰州是也軍名雖同而品秩大小迥殊如志所云似北海軍改名鎮海失之遠矣

濟南府興德軍節度本齊州按齊州防禦使李漢超張耆皆嘗爲之英宗以齊州防禦使繼大統治平二

年升齊州爲興德軍蓋由防禦州升節度州也當云
本齊州防禦治平二年升節度乃爲得之

冀慶府本兗州 予見石刻知兗州孔道輔結銜云提
舉兗鄆濮齊州清平軍兵馬衣甲巡檢公事蓋宋時
諸州守臣例兼兵職攷孫逢吉職官分紀云國朝知
兗州提舉鄆濮等五州軍兵甲巡檢公事知青州提
舉青濰等八州軍兵馬衣甲巡檢公事知徐州兼提
舉徐宿等七州軍兵甲巡檢公事京東諸州軍都提
舉都巡檢使鄆博等六州都大巡河兼提舉捉賊知
單州提舉曹單徐兗州應天府淮陽廣濟軍利國萊

蕪監巡檢捉賊知定州同管勾真定府州等路駐泊
知博州濱棣德博等州緣河兩岸水陸巡檢使兼提
舉鄆齊淄濮濟等七州巡檢捉賊公事知永興府兼
提舉乾耀商華坊丹等州軍巡檢兵甲事知鳳翔府
兼管勾鳳翔隴州一路巡檢駐泊軍馬公事知陝府
提轄陝府河中府虢解絳州巡檢兵甲公事知秦州
兼秦隴鳳階成路駐泊馬步軍副都總管提舉本州
管界兼諸寨巡檢公事陝府兵馬鈐轄兼提舉陝府
河中府虢解絳州巡檢兵甲盜賊華州陝府西京路
陝府河中府同華虢解丹等州提舉巡檢捉賊其廨

宇在華州西京陝府駐泊捉賊兼提舉緣黃河兩岸
至絳州界六寨公事知并州兼同管勾并代州軍馬
提舉巡檢事知潞州提舉澤潞晉絳慈隰州威勝軍
一路屯駐駐泊就糧本城兵馬巡檢公事知揚州提
舉揚楚泗通泰海真州高郵漣水軍兵馬衣甲巡檢
公事知廬州兼提舉廬壽蘄黃光舒濠州無爲軍兵
甲器械事知杭州提舉杭蘇一路兵甲巡檢公事知
越州兼提舉溫台明越衢婺處等州一路兵甲巡檢
事知洪州兼提舉江南西路一十州軍巡檢兵甲事
知荆南荆湖北路兵馬都鈐轄管勾夔施州一路巡

檢兵馬公事知潭州管勾潭州并全邵等州一路巡
檢公事知辰州提舉辰州新興等四寨兵甲知福州
兼提舉福建劍汀州邵武軍一路兵甲巡檢公事知
泉州兼提舉泉州興化軍都同巡檢公事知益州
充本城兵馬鈐轄提舉益州路諸州軍兵馬巡檢公
事知利州提舉兵甲巡檢公事知文州同提舉利州
路巡檢公事知夔州兼梓夔州路兵馬都監提舉兩
路州軍巡檢兵甲公事知容州提舉容瓊路諸州兵
馬都同巡檢公事邕州提舉邕貴欽廉兩路巡檢充
管界緣邊溪洞都巡檢使兼駐泊事諸州軍及緣邊

又有管勾一州或一路二路兵甲巡檢者志惟兼兵馬鈐轄者多書之其兼巡檢公事者僅於潞州石州河中府陝州江陵府梓州興元府偶一載之殊不備也

濟州防禦 按王禹偁傳臣本魯人占籍濟上未及第時一州止有刺史一人司戶一人自後有團練推官一人是濟州嘗爲團練州也

隨州隨縣熙寧元年廢光化縣爲鎮入焉 按隨州之光化縣本安化縣後周改名此熙寧元年所廢之光化也乾德二年以襄州之陰城鎮置光化軍并置乾

德縣隸焉熙寧五年廢軍爲光化縣隸襄州此別一
光化雖同在京西路初不相涉或疑此條爲誤非也
今襄陽府有光
化縣卽宋所置

均州武當軍節度本防禦乾道六年移入上州防禦

按宋提傳淳化二年坐累降均州團練副使

郢州防禦 按真宗朝王曙貶郢州團練副使

鄭州奉寧軍節度 按太祖朝司超爲鄭州防禦使真

宗時又有鄭州團練使高漢美魏能

滑州太平興國初改武成軍節度 本義成軍節度避

太宗名改志不云義成軍亦脫漏

蔡州淮康軍節度 按建隆中司趙爲蔡州防禦使

汝州本防禦州 按宋制州有四等曰節度州曰防禦

州曰團練州曰刺史州志稱軍事者卽刺史也

刺史

幕職例稱軍事推官軍事判官故志稱軍事 春明退朝錄云節度州爲三

品刺史州爲五品以此推之防禦團練州必皆四品

矣种諤嘗責授汝州團練使蘇軾嘗責授汝州團練

副使則汝當爲團練而志云防禦殆先爲團練而升

防禦乎軾又嘗授黃州團練副使常州團練副使志

於黃常二州皆云軍事亦此類蓋諸州之升降史家

不能悉書也

地理志二

雄州 按真宗紀咸平三年置河北緣邊安撫使於雄州志失書

中山府太平興國初改定武軍節度 本義武軍節度 避太宗名改志不書義武軍亦脫文

瀋州天聖元年改通利爲安利 蓋避劉太后父諱 洺州建隆元年升爲防禦 按真宗朝有洺州團練使 翟明

太原府河東節度太平興國四年平劉繼元降爲緊州 軍事 當云降爲并州嘉祐五年復爲太原府

舊領河東路經略安撫使 按太原守臣例兼并代澤
路麟府嵐石路兵馬都總管又兼監牧使

地理志三

陝西路慶歷元年分陝西沿邊爲秦鳳涇原環慶鄜延
四路 按上言陝西路者轉運司所轄之界下言秦
鳳涇原環慶諸路則安撫司所分理也言地理者以
轉運使所轄爲斷宋初陝西祇置一轉運司元豐以
後分爲永興軍秦鳳兩轉運司若鄜延環慶涇原熙
河皆不在二十三路之數

陝州大都督府太平興國初改保平軍 本保義軍節

度避太宗名改志不云本保義軍節度者脫文也

同州定國軍節度 本匡國軍宋初避太祖名改

渭州安化縣 按慶陽府潭州俱有安化縣洪氏容齋

五筆舉宋時縣名相同者若河南靜江府肇州皆有

永寧縣饒平衡州皆有安仁縣蔡英之真陽廬汝之

梁光台之仙居臨安建昌之新城越筠之新昌婺蜀

之永康處吉之龍泉嚴池之建德渭秀之華亭信吉

之永豐郴興國之永興衡嘉之龍游施臨江之清江

洪萬之武寧福循之長樂郴連之桂陽福桂之永福

而未及安化及金綿之石泉江泉之德化平定化之

樂平臨安南寧之昌化

德順軍慶歷三年卽渭州隴干城建爲軍 歐陽修撰

王堯臣墓志作籠竿城

地理志四

鎮江府鎮江軍節度開寶八年改 按唐時潤州置鎮
海軍後以錢鏐之請移治杭州至是江南始平潤州
復入版圖吳越尚未納土故改節鎮額也

常州毗陵郡軍事 按咸淳毗陵志云唐制郡刺史帶
團練守捉使所置幕職曰團練判官團練推官國初
諸郡或不置刺史置權知州事則曰軍事判官軍事

推官毗陵自開寶入版圖守臣曰權知州初置判官
天聖六年增置推官然結銜猶帶團練字蓋銓司因
舊也以是推之蘇子瞻除常州團練副使亦銓司沿
唐故事不改之失耳

安慶府端平三年移治羅剎洲又移楊槎洲景定元年
改築宜城 宜城卽今安慶府城也景定建康志宜
城者鴈汊對岸一要害處吳魏相拒時嘗設疑城於
此方言譌疑爲宜景定初馬光祖等言自舊安慶府
荒榛之後寓治楊柴洲上卽楊槎洲也鴻鴈飛鳴無
城郭可恃舊城旣未可修復此地去寓治不遠有險

可恃徒民爲便詔光祖城之

江寧府開寶八年平江南復爲昇州節度天禧元年升爲建康軍節度 按南唐建都金陵以昇州爲江寧府宋平江南復爲昇州置江寧軍節度天禧元年升江寧府改江寧軍額曰建康此志殊未分曉

舊領江南東路兵馬鈐轄 按江寧守臣兼鈐轄銜自

紹聖二年何正臣始南渡後置安撫使

卽志所謂則帥府也

兼馬步軍都總管矣

句容天禧四年改名常寧 按景定建康志初無改句

容爲常寧之事但云天禧元年置常寧鎮於句容縣

又云以鎮置寨耳此志誤

信州軍事

按王琪責授信州團練副使在仁宗朝

常德府常德軍節度乾德二年降爲團練政和七年升爲軍 蓋由團練升節鎮也當云升節度

岳州岳陽軍節度本軍事州宣和元年賜軍額

按英

宗以岳州團練使升儲位故州升爲節鎮此云軍事州當爲團練州也

永州軍事

按真宗朝有永州團練使鄭懷德徽宗朝

錢卽責授永州團練副使

寶慶府本邵州邵陽郡軍事大觀九年升爲望郡 按

攷異

宋史三

九

理宗以邵州防禦使升儲位是邵州本防禦州而志失書

地理志五

福州 永福 本唐永泰縣崇寧元年改名志失書

羅源舊永貞縣 按三山志天禧五年改爲永昌縣避皇太子名乾興元年改爲羅源

成都府本益州劔南西川節度太平興國六年降爲州端拱元年復爲劔南西川成都府 當云復爲成都府劔南西川節度

淳化五年降爲節度 按太宗紀是年降成都府爲益

州以王小波李順相繼叛亂故也下云復節度則是降府爲州之時并罷節度矣志云降爲節度大誤或當作降爲州罷節度志脫兩字耳

潼川府 宋末川蜀諸州多依險爲治如遂寧府權治蓬溪若順慶府徙治青居山敘州徙治登高山合州徙治釣魚山渠州徙治禮義山廣安軍徙治大良平富順監徙治虎頭山閬州徙治大獲山政州徙治雍村涪州移治三台山皆載於志而潼川府之治長寧山隆慶府之治苦竹隘蓬州之治運山志獨遺之

隆慶府端平三年兵亂 此下當有徙治苦竹隘之文

或刊本脫漏

金州安康郡

按金州已見京西南路成州

卽同階州

鳳州岷州

卽西和州

已見秦鳳路而於利州路又出之當

刪併爲一方合史法

達州本通州乾德三年改

按嘉泰會稽志云天聖初

以章獻明肅太后家諱避通字如改通進司爲承進
司通州爲達州諸州通判爲同判通事舍人爲宣事
舍人之類是也仁宗親政皆復故惟通州遂爲達州
至今不復據此則達州改名在天聖初矣今攷李氏
長編亦載於乾德三年殆因淮南有通州避重名而

改會稽志得於傳聞不足據

地理志六

肇慶府肇慶軍節度本端州軍事 按真宗時有端州

防禦使靳忠

德慶府本康州軍事 按真宗時有康州團練使魏能

惠州 本禎州天禧四年避仁宗御名改志失書

昭州軍事 按真宗時有昭州團練使白文肇

慶遠府本宜州慶遠軍節度舊軍事州 按太宗時宋

沆貶宜州團練副使

河池縣不詳何年併省 按本卷載大觀元年以宜州

河池縣置庭州倚郭縣曰懷德是河池初未併省而其升州之年固可攷也但彼文云大觀四年廢庭州而不言仍隸宜州此云南渡後增縣一曰河池而不言庭州并省本末一卷之中不相檢照如此

鎮州大觀元年置鎮州賜靜海軍額政和元年廢鎮州以靜海軍額爲瓊州靜海當作靖海音之譌也據本

志及前靜海乃交州軍額

河渠志一

我世祖皇帝命學士蒲察篤實西窮河源元史作都實都篤聲相近

宋史三終